

多年前，我进了一所普通中学初中就读。虽然校舍新新，老师和蔼，但没有进入重点中学个遗憾一直萦绕心头。

开学后个新生大会上，校长郑重其事地宣布，阿拉学堂虽然只是普通中学，但有一项特殊个学习要求，其他学堂包括重点中学侬听没咽。看着大家表情疑惑，伊很认真地告诉阿拉，为了提高大家个综合素质，初中毕业时除脱常规学业成绩，每个人还必须掌握四大技能——骑脚踏车、英文打字、电器修理和乐器演奏才能毕业。

四大技能？之前阿拉侬听没听说过，不过同枯燥个语数外相比，甭几门技能课无疑更受大家欢迎。首先是从骑脚踏车开始，甭是大家最喜欢个一门课程，每个礼拜安排一节课，就辣学堂操场浪向学。当时脚踏车算是贵重物品，学堂里是听没配备咽，就发动学生把自己家里个脚踏车骑来，有些老师也把自己个脚踏车拿出来给同学们骑。每次上课，两三个同学搭档，一个骑车、另一个在后面把着行李架。课上大家大呼小叫，气氛分外融洽。只是半个学期左右，同学们不仅学会了骑脚踏车，而且挤成了好朋友。期末搞了一次“骑慢车”比赛，欢欢喜喜、热热闹闹完成了考试。

第二学期是学英文打字和电器修理，当时电脑很少，学堂就买了一批手提英文打字机，每周安排一节打字课，打字内容是学堂挑选个比较浅显个经典英语作品，结果大家不仅学会了打字，还提高了对英语阅读个兴趣。电器修理则是穿插辣劳技课当中，期末考试内容就是自家动手组装一盏日光灯，从开关、线路到灯管，从焊接、上螺丝到包接头，完全是实战化操作。让人听没想到个是，考场浪向女同学一扫平常

难忘初中技能课

文／孙进

柔弱个样子，考得比男同学还要好，让现场督阵个校长频频点头。

乐器是最难咽，当时大家经济条件侬勿大好，钢琴之类个贵重乐器侬是买不起咽。学堂就分了层次，经济条件一般个同学就学口琴，经济条件比较好咽就买手风琴。不管学啥乐器，侬按照五线谱教学，而不是当时流行个简谱。校长讲，乐器虽然不贵重，但标准不能降低。到了学期末，每个班级组织一场音乐会，每个同学表演一只曲子。演出中，个别同学演奏得不流畅，大家就一起鼓掌，“掩护”他通过。考核就辣大家开心个笑声里完成了。

初中毕业典礼浪向，校长辣致辞中特意提到，大家除脱得到一张毕业证书，还掌握了四大技能，甭点技能今后可以伴随大家一生，甚至有可能比书本知识更有用。阿拉虽然勿是重点中学，但是阿拉毕业生个能力比重点中学咽还要强。当时听了感觉不以为然，中考、高考侬不考个内容有啥用呢？

后来上了高中，学堂离家远了，交通不便，骑脚踏车是最方便个方式。当时爷娘侬不会骑车，屋里也听没脚踏车，如果不是初中学会了骑车，上学放学不晓得要浪费多少时间。上了大学后，正赶上专业授课调整，以往很多辣纸面浪向完成个作业、课程设计侬改成电脑完成，要不是初中打下个英文打字基础，肯定要手忙脚乱一段辰光。工作以后，电脑打字也是一项不可获缺个重要技能。至于修理电器和乐器识谱，更是贯穿整个生活历程，甚至一直影响到现在对下一代孩子个教育。细细回想，当初好多让人绞尽脑汁个课本知识侬已经忘记得差勿多了，但是甭点初中辰光学会个技能一直伴随着成长和生活。现在想想当初校长个闲话确实有道理，甭点技能真是一生个伙伴啊。



老里早

调锅鏊有感

文／许德华

上海人甭歇用个天然气比老早个人工煤气火力猛，炒只小菜炖两只蛋又快又方便。勿过因为火力太猛，不锈钢炒锅个两只胶木鏊被烤焦了，一只锅鏊与锅子分了家。看炒锅仍旧石骨挺硬，勿舍得畚脱，就抽空骑脚踏车到老北站边浪向个虬江路工业品市场去配新锅鏊。

甭搭物事行情行市，穿个衣裳，用手机，坐个电动三轮车，还有家用小商品像打气筒、砧墩板、扞脚刀、指甲钳啥，价钿勿贵，买得多还可以讲价。对我来讲，就是勿买物事轧闹猛看野眼也蛮开心咽！

我熟门熟路直冲当中横里配锅鏊搭仔橡皮垫圈个一爿店家。柜台前有好几个顾客，正与当班师傅交谈，看起来勿侬是熟客。当班师傅邪气热情，业务也相当熟。我刚刚拿出炒锅，说明要配锅鏊。伊只是瞟了一眼，就对我讲：“甭搭个锅鏊‘眼子’勿对，依到其他地方瞄瞄！”我只好打了一个招呼离开。

又逛了几家店，听没寻到尺寸合适咽。有一家还对我讲依自家辣里向寻寻，我看了半日觉着“眼子”合勿拢，伊拉勿装配我又听没工具，算啦！最意思个是最后一家老板讲伊甭一抢听没进货，依真要

甭物事就先付钞票，伊去进货。我问几钿？伊讲两只廿块。我有眼嫌贵，一只锅鏊5块洋钿碰顶了。我又讲：“甭能样子好哦，我锅子摆辣依甭搭，给依廿块，依帮我装好，过两日我来拿。”老板讲伊不装个，依自家动手。喔唷，买只赤括辣新个炒锅不过百把块，调两只锅鏊倒要廿块，勿合算！索性畚脱买新咽。

锅鏊配勿着，只好回到老店家门口拿脚踏车。甭歇店里听没人，师傅看到我主动招呼。伊还记得我是来配锅鏊咽，就问我配到了哦。我讲听没。伊讲有一种老式锅鏊，样子勿一样，但看起来尺寸差勿多，而且价钿便宜，两只5元，假设我不计较，伊可以帮我试试看。我想总比畚脱实惠，就讲：“好。”师傅拿螺丝刀卸脱坏锅鏊，拿新锅鏊安装上去，居然扣搭扣，尺寸正好。第二只锅鏊个螺丝油滋腻腻，师傅本来是立辣海做生活咽，迭歇坐辣小矮凳浪，拧紧锅子用力卸螺丝，头浪向汗也出来了。亏得老虎钳帮忙，终于成功换好。

调好新锅鏊，锅子看起来交关神气，老板娘笑嘻嘻辣边浪向打朋：真生活啊！5块洋钿忒少了，依应该给伊10块。师傅一边揩手一边讲：“哎哎，就是5块，我一开始就迭能讲咽。”我当然捂心啦，拍师傅马屁：“依做个生活听没闲话啦！我认准依甭人，认牢哪甭片店了！”



茄山河

孝以“顺”为重

文／侯宝良

俗语讲，百善孝为先。儿女行孝理应“顺”为重。交关老人勿缺钞票，就是辣思维浪向有眼脱节。乃么，做儿女个就更应该辣父母个心理上顺咯花点心思，帮助老人跟上时代个进步。呶，同事小张跟我讲起一桩家事倒蛮有启发：

小张讲伊爷娘“做人家”过日脚，勿舍得用钞票。辣新公房里还像辣老房子里一样，有冰箱勿用，习惯拿食物挂拉室外风里吹；煤气热水器也当摆设，情愿起早趁夜间电费半价用电水壶烧几瓶热水；洗衣机更是经常“待业”，一两个月用勿到一次。小张跟老人讲过多次，家用电器也有寿命，就算一直勿用，年数到了也会报废咽。勿过老人总有托词：“勿放冰箱，好吃新鲜咽；早起烧水充分利用电能，有利早睡早起”。闲话是讲得蛮有道理，有眼事体毕竟费神又勿科学呀。比方讲菜市场季辰光，老人图便宜买多了勿进冰箱就出问题啦，荤菜易变质、蔬菜勿新鲜，烧多了吃隔顿，么么就送到小张屋里，弄得小张邪气尴尬。闲话讲重了又怕伤老人感情。

后来小张跟父母实话实讲：“爸、妈，以后阿拉要常回来住住，会勿会给哪添麻烦？”爸妈侬讲：“勿麻烦！”小张顺势又讲：“人多了就调只大冰箱。浴室里嘛再装只电热水器，以后起早只要插上电源，勤再烧水了，洗刷、沐浴侬可以用。”老两口一听侬要调新咽，就讲：“儿子啊，现在个冰箱、热水器侬听没坏，全部调脱太浪费了，依勤拆人家啊。”小张趁势开导两位老人：“爸妈啊，过去勤俭是条件有限，现在哪侬老了，便当、健康才是最要个，过日脚要讲究质量。现在甭旧日电器已经用了十几年了，勿安全。物事统统我来买，以后个水、电、煤付费我侬已经办好银行代付了，哪也用勿着再操心了。”“葛末买家电个钞票还是阿拉出，老头子侬讲呢？”老妈抢着发话了。老爸也顺着讲：“是啊，哪也有小家庭，阿拉省钞票也是为了哪。”小张讲了：“侬是自家入，客气话用勿着讲，再讲阿拉回来也要用，勿需要分彼此

咽。”勿过，爷娘也老坚决，讲：“勤钞票就勿同意。”“哪能办呢？”我倒要听听看。小张“狡猾狡猾”个讲：“恭敬勿如从命，就收呗，勿过我勿会‘贪污’。日后我慢慢较化整为零还给伊拉。警方讲陪伊拉外出走亲访友，就讲‘侬陪我乘更合算’；主动买眼老人喜欢个食品放进冰箱，就讲大家侬欢喜吃，抓紧吃光；洗衣机共享，就讲阿拉一道用可以省水省电。有空再聊聊保健小常识，听听电台里医学专家个建议。让伊拉慢慢融合到现代生活当中，老人个生活质量自然就提高了！”

听小张讲“孝”经，我感觉受到启发。现在个老人经济独立，强烈个传统理念成为伊拉个生活经验，与快节奏个现代生活难免产生冲撞，道理还得慢慢理，粗暴干涉有伤感情，简单个资助，老人顾及儿孙于心勿安，甚至会影响老人个自尊，倒勿如做趁势人情，脱伊拉一道热络个参与，共同享受新生活个乐趣，勿是蛮好么。

香椿，香一个春天

图文／沈一珠



画白相

上礼拜到广东韶关去白相个辰光，有一天是住辣树屋里咽。当然，迭个树屋勿是造辣树浪向个房子，只是造辣树林里个房子。甭也有得好了，早浪起来，推窗看出去，人赛过立辣一片树林头浪向，树脚下个溪流声，好像是树枝、树叶发出个呼吸声。远远交还传来布谷鸟个叫声，布谷声声，是辣了催播种个声音，也是辣了催收获个声音，收啥啦？喏，收香椿头呀，再勿采，就老了。

“雨前椿芽嫩如丝，雨后椿芽生木质”，此地个雨，就是谷雨。春天里末脚一个节气，一把香椿，香仔一个春天。香椿头煎蛋，是绿颜色搭仔黄颜色个搭配，盛辣雪雪白个瓷盘浪向，好看得让人开胃；蛋终归就是蛋，就因为有了香椿头，所以，一筷入口，三春勿忘。

香椿头拌豆腐，又是另一种体验了。开水焯一焯，红梗转成碧绿，用盐捏一捏，斩成碎末，摆辣豆腐浪向，滴眼麻油，拌一拌入口，绿与白，是冷冷清清个味道。

香椿，一个春天个享受。

鲳鱼、鳊鱼、车扁鱼

文／叶世尧



沪语趣谈

上海人多把鲳鱼称作“车扁鱼”（或“车鳊鱼”“叉片鱼”）。那么这个“车”（或“叉”）是从何说起的呢？其实，最初“车扁鱼”不是指海里的鲳鱼，而是指河中的鳊鱼。“车扁鱼”的正确写法是“槎鳊鱼”或者“槎头鳊”。

“槎”或“槎头”是指古代一种下面带栅栏的、类似木筏的东西，固定在河中，用于阻止游鱼通过，有点像如今的网箱养殖。三国时期号称“东州大儒”的孙炎释《尔雅》云：“积柴木水中养鱼曰槎，襄阳俗谓鱼槎为槎头。言所积木槎牙也。”东晋史学家习凿齿《襄阳耆旧传》：“汉水中鳊鱼甚美，常禁人捕，以槎头断水，因谓之槎头鳊。”“槎鳊鱼”的“槎”由此而来。

古诗中也有许多涉及槎鳊鱼。孟浩然《岘潭作》云：“试垂竹钓竿，果得槎头鳊。”杜甫《解闷》里有“即今耆旧无新语，漫

钓槎头缩颈鳊”。明代英宗朱祁镇写的《赐襄阳王瞻瞻四时歌》中也曾提到槎鳊鱼：“适情细脍槎头鳊，洽欢满泛宜城酒。”“放船钓取槎头鳊，臄沽白酒宁论钱。”其中复得帝王之位后，恣意享受生活的心情跃然纸上。

鳊鱼和鲳鱼形体相近，但河海相隔，同纲不同目。过去，鳊鱼金贵难得，非鲳鱼能比。以1946年、1947年《上海年鉴》统计，上海全年海鱼和河鱼的供应量之比为23.3:3.2；且其列出的十余种“重要河鱼”中经常看不到鳊鱼。于是，车扁鱼（槎鳊鱼）的名称便被安在同样形体扁扁的鲳鱼身上；也有人称“鲳扁鱼”或“鲳片鱼”。直到改革开放，农副产品供应充足后，昔日诗人笔下千般美好的鳊鱼，才被端上寻常百姓的餐桌。现在菜市场的商贩和买菜顾客，都把“车扁鱼”认作鲳鱼。约定俗成，无可厚非。只是要说圆这个“车”字，就不得不穿越回“槎鳊鱼”的时代了。

沪谚熟语印

篆刻／周建国



摸老老



兵乓响

摸老老：形容很多。例句：依勤看伊穿得普通，伊屋里向钞票摸老老。

兵乓响：响当当的，形容好得没话说；例句：伊是老师傅，技术兵乓响。也可形容“过硬”或“守信用”；例句：阿拉工厂个产品质量是兵乓响咽。